

永和縣志卷之三

建置沿革

禹敷九土周列職方後雖世異代更而守土則一永和彈丸小邑非名邦大國之可比亦為版籍之所必錄考炎漢而上建置罔聞自西漢至今沿革不一余於公餘察其建置之年代攷其沿革之異同雖無成憲可徵聊述紀其大畧作建置沿革志

永和禹貢冀州之域分為晉屬魏地先代邈不可

永和縣志

卷之三

建置沿革

攷搜閱殘編續自西漢

西漢

為狐讎縣屬河東郡

三國

魏黃初元年以縣西北有永和關故又置永和與

狐讎為二

晉

屬平陽郡

南北朝

後魏大延二年廢永和縣

後周置歸化縣

北齊

大寧元年於孤譙城置臨河郡臨河縣

隋文帝

開皇二年廢郡為臨河縣十八年復改為永和縣

後恭帝義寧二年改為北樓縣屬石州又屬龍

泉郡

唐

永和縣志

卷之三

建置沿革

二

改永和州尋改北樓縣隸隰州貞觀初改樓山縣

尋復為永和縣後移治仙芝谷即今治天寶初

改大寧郡乾元初復改為永和縣隸隰州

宋

金

元

上皆仍舊

明

仍為永和縣隸平陽府隰州

國朝因之

明初編戶一十一里

仙芝坊 在城

烏門里 在治北二十里

索駝里 在治北三十里

桑壁二里 在治東五十里後併為一里

南樓里 在治南七十里

罷骨里 在治南二十里

同社里 在治西五十里

永和縣志

卷之三

建置沿革

三

永興里 在治東南三十里

前乙度 在治西七十里

後乙度 在治北七十里

國朝

順治十四年因人可寥落地畝荒蕪合併為二里
今止存仙芝永興之名